

SAD se povlači iz UNESCO-a krajem godine

Sjedinjene Američke Države se povlače iz članstva u UNESCO-u, objavio je AFP. Odluka Washingtona će biti na snazi od 31. decembra ove godine, objavio je američki State Department.

Još uvijek nisu objavljeni detaljni razlozi za ovakav potez, ali je BBC naveo kako su SAD optužile ovu organizaciju da je „antiizraelska“.

State Department je pojasnio da će uspostaviti samo posmatračku misiju u ovoj organizaciji. UNESCO je saopćio da je to gubitak za UN porodicu i multilateralizam.

Organizacija Ujedinjenih naroda za obrazovanje, nauku i kulturu specijalizirana je organizacija u sistemu Ujedinjenih naroda, utemeljena 1945. godine. Glavni cilj je doprinos miru i sigurnosti promovirajući saradnju među narodima na područjima obrazovanja, znanosti i kulture u cilju unapređenja općeg poštovanja pravde, vladavine zakona, ljudskih prava i temeljnih sloboda, navedeno je na internet stranici ove organizacije.(f,tl)

Date: 12-10-2017